

**Давлат божи, йиғим, жарима ва бошқа тўловларни тўлаш механизмларини такомиллаштириш бўйича  
АМАЛИЙ ЧОРА-ТАДБИРЛАР РЕЖАСИ**

<b>Т/р</b>	<b>Чора-тадбир номи</b>	<b>Амалга ошириш механизми</b>	<b>Амалга ошириш мuddати</b>	<b>Масъул ижрочи</b>
1.	Ягона биллинг тизимини такомиллаштириш бўйича ташкилий-техник ишларни амалга ошириш.	1. Ягона биллинг тизими аппарат-дастурий таъминотининг жорий ҳолатини ўрганиш.  2. Ягона биллинг тизимининг инфратузилмасини кенгайтириш ва уни такомиллаштириш юзасидан тегишли тадбирларни амалга ошириш.	2020 йил ноябрь  2020 йил декабрь	Ахборот технологиялари вазирлиги ( <i>О. Пекось</i> )
2.	Ягона биллинг тизимининг махсус модулини ишлаб чиқиш ва тўловларни онлайн режимда ҳисобини юритувчи тизим мавжуд бўлмаган давлат идора ва ташкилотларида жорий этиш.	1. Тўловларни онлайн режимда ҳисобини юритувчи тизим мавжуд бўлмаган идора ва ташкилотлари рўйхатини шакллантириш.  2. Давлат идора ва ташкилотлари учун мўлжалланган махсус модулнинг техник талабларини ишлаб чиқиш.  3. Давлат идора ва ташкилотлари учун мўлжалланган махсус модулни ишлаб чиқиш.  4. Давлат идора ва ташкилотларида махсус модулни жорий этиш бўйича ташкилий ишларни амалга ошириш.	2020 йил октябрь  2020 йил ноябрь  2020 йил ноябрь-декабрь  2020 йил декабрь	Ахборот технологиялари вазирлиги ( <i>О. Пекось</i> ), Молия вазирлиги ( <i>Т. Ишметов</i> )
3.	Ягона биллинг тизимини электрон ҳукуматнинг хизматлари ҳақида ахборот бериш ва хабардор қилиш тизими (хабардор қилиш тизими) билан	1. Ягона биллинг тизими билан хабардор қилиш тизимини интеграция қилиш юзасидан технологик йўриқномани ишлаб чиқиш ва тасдиқлаш.	2020 йил ноябрь	Ахборот технологиялари вазирлиги ( <i>О. Пекось</i> )

	интеграция қилиш.	2. Ягона биллинг тизимини хабардор қилиш тизими билан интеграция қилиш бўйича ташкилий-техник тадбирларни амалга ошириш.	2020 йил декабрь	
4.	Ягона интерактив давлат хизматлари портали орқали электрон тўловлар амалга оширилганда (коммунал хизматлар бўлганда фойдаланилган ва тўлов миқдорини кўрсатган ҳолда) тўлов муваффақиятли яқунланганлигини тасдиқловчи ҳужжатни (квитанцияларни) электрон нусхасини мурожаатчиларнинг хоҳишига кўра почта оператори тармоғи орқали юборилишини йўлга қўйиш.	1. Ягона интерактив давлат хизматлари порталида электрон тўловлар амалга оширилганлигини тасдиқловчи расмий электрон квитанцияларни жорий этиш. 2. Ягона интерактив давлат хизматлари порталини почта операторининг жисмоний ва юридик шахсларга етказиб бериш ва етказилганлигини тасдиқлаш, маълумотларни сақлаш ва ҳисобга олишнинг ягона тизими билан интеграция қилиш. 3. Фойдаланувчиларнинг ихтиёрига кўра квитанцияларни почта операторининг тармоғи орқали етказиб берилишини таъминлаш.	2020 йил ноябрь  2020 йил декабрь  2021 йил 1 январдан бошлаб, мунтазам равишда	Ахборот технологиялари вазирлиги ( <i>О. Пекось</i> ), “Ўзбекистон почтаси” АЖ ( <i>А. Файзуллаев</i> )
5.	Кадастр соҳасидаги айрим йиғим, божлар ва бошқа тўловларни Ягона биллинг тизимига улаш.	1. Масъул ходимларни тайинлаш ва уланадиган давлат хизматларини аниқлаш. 2. Кўчмас мулк объектларига бўлган ҳуқуқларни давлат рўйхатидан ўтказиш, кадастр паспортини шакллантириш, фуқароларнинг номида шахсий уй-жойи борлиги ёки йўқлиги тўғрисидаги маълумотнома олиш ва бошқа давлат хизматларини ҳисоб рақамларини ва паспортларини ишлаб чиқиш ва тасдиқлаш. 3. Идоравий ахборот тизимларини Ягона биллинг тизими билан интеграциялаш ва тест синовларини ўтказиш. 4. Тўловларни амалга ошириш бўйича сервисни ишга тушириш.	2020 йил октябрь          2020 йил ноябрь  2020 йил декабрь	Кадастр агентлиги ( <i>Х. Турахужаев</i> ), Ахборот технологиялари вазирлиги ( <i>О. Пекось</i> ), Давлат хизматлари агентлиги ( <i>У. Муҳаммадиев</i> )

6.	Мактабгача таълим ташкилотларида онлайн тўлов ва маблағлар ҳисобини жорий этиш.	<ol style="list-style-type: none"><li>Идоравий ахборот тизимларини Ягона биллинг тизими билан интеграциялаш ва тест синовларини ўтказиш.</li><li>Тўловларни амалга ошириш бўйича сервисни ишга тушириш.</li></ol>	2020 йил ноябрь  2021 йил январь	Мактабгача таълим вазирлиги ( <i>А. Шин</i> ), Молия вазирлиги ( <i>Т. Ишметов</i> ), Ахборот технологиялари вазирлиги ( <i>О. Пекосъ</i> )
7.	Олий таълим муассасаларида тўлов-шартнома асосида таҳсил олаётган талабаларнинг ўқиш учун тўловларини онлайн тўлаш ва маблағлар ҳисобини юритиш дастурини ишлаб чиқиш	<ol style="list-style-type: none"><li>Тегишли вазирлик ва идоралар билан биргаликда барча давлат олий таълим муассасаларининг молиявий жараёнларини автоматлаштириш ахборот тизимини ишлаб чиқиш.</li><li>Ахборот тизимни тегишли вазирлик ва идоралар билан ҳамда Молия вазирлиги Ҳазначилиги билан интеграциялаш ва Ягона ғазна ҳисоб варағига улаш.</li><li>Ахборот тизимини Ягона биллинг тизими, Марказий банкнинг “МУНИС” ва бошқа тўлов тизимларига интеграциялаш.</li></ol>	2020 йил ноябрь - декабрь	Олий ва ўрта махсус таълим вазирлиги, тасарруфида таълим муассасалари бўлган вазирлик ва идоралар, Молия вазирлиги ( <i>Т. Ишметов</i> ), Марказий банк ( <i>М. Нурмуратов</i> ), Ахборот технологиялари вазирлиги ( <i>О. Пекосъ</i> )
8.	Ветеринария соҳасидаги айрим йиғим, божлар ва бошқа тўловларни Ягона биллинг тизимига улаш.	<ol style="list-style-type: none"><li>Масъул ходимларни тайинлаш ва уланадиган давлат хизматларини аниқлаш.</li><li>Ветеринария фаолиятини амалга оширишга лицензия (ветеринария даволаш-профилактика ишлари, лаборатория-диагностика ишлари ва бошқа йўналишлар бўйича) давлат хизматларига ҳисоб рақамлар очиш.</li><li>Идоравий ахборот тизимларини Ягона биллинг тизими билан интеграциялаш ва тест синовларини ўтказиш.</li><li>Тўловларни амалга ошириш бўйича</li></ol>	2020 йил ноябрь  2020 йил декабрь	Ветеринария ва чорвачиликни ривожлантириш давлат қўмитаси ( <i>Б. Норқобилов</i> ), Ахборот технологиялари вазирлиги ( <i>О. Пекосъ</i> ), Давлат хизматлари агентлиги ( <i>У. Муҳаммадиев</i> )

		сервисни ишга тушириш.		
9.	Автотранспорт соҳасидаги йиғим, божлар ва бошқа тўловларни Ягона биллинг тизимига улаш.	<p>1. Эски намунадаги ҳайдовчилик гувоҳномаларини янги намунадаги ҳайдовчилик гувоҳномаларига алмаштириш учун ариза юбориш, енгил автотранспорт воситалари ойналарининг тусини ўзгартиришга (қорайтиришга) рухсатнома бериш, автотранспорт воситаларига ва тиркамаларига (ярим тиркамаларига) рўйхатдан ўтказиш давлат рақами белгиларини бериш ва қайд этиш гувоҳномасини бериш давлат хизматларига ҳисоб рақамлар очиш.</p> <p>2. Ҳисоб рақамларни Ягона биллинг тизимига улаш.</p> <p>3. Ягона интерактив давлат хизматлари порталидаги электрон давлат хизматини Ягона биллинг тизимига интеграция қилиш.</p>	2020 йил декабрь	Ички ишлар вазирлиги (П. Бобожонов), Ахборот технологиялари вазирлиги (О. Пекось), Давлат хизматлари агентлиги (У. Муҳаммадиев)
			2021 йил январь	
10.	Ҳуқуқбузарга тайинланган жаримани Ягона биллинг тизими орқали масофавий тўлаш имкониятини яратиш.	<p>1. Ички ишлар вазирлигида мавжуд бўлган жарима тўловларни автоматлаштирилган биллинг тизимини электрон ҳукуматнинг Ягона биллинг тизимига улаш учун техник йўриқнома ишлаб чиқиш ва тасдиқлаш.</p> <p>2. Ички ишлар вазирлигидаги мавжуд бўлган жарима тўловларни автоматлаштирилган биллинг тизимини, Ягона интерактив давлат хизматлари порталидаги электрон давлат хизматини Ягона биллинг тизимига интеграция қилиш.</p>	2020 йил декабрь	Ички ишлар вазирлиги (П. Бобожонов), Ахборот технологиялари вазирлиги (О. Пекось), Давлат хизматлари агентлиги (У. Муҳаммадиев) манфаатдор вазирлик ва идоралар
			2021 йил февраль	

11.	<p>Ўзбекистон Республикаси фуқаролари учун фуқаролик соҳасидаги айрим йиғим, божлар ва бошқа тўловларни Ягона биллинг тизимига улаш юзасидан давлат божларини тўлаш бўйича давлат хизматларига ҳисоб рақамлар очиш ва ташкилий ишлари амалга ошириш.</p>	<p>1. Ўзбекистон Республикаси фуқароларини рўйхатдан ўтказиш билан боғлиқ тўланадиган давлат божлари.</p> <p>2. Ўзбекистон Республикаси фуқаролигига қабул қилиш, уни тиклаш ва ундан чиқиш тўғрисидаги илтимосномалардан ёки Ўзбекистон Республикасининг фуқароси деб тан олиш тўғрисидаги аризалардан тўланадиган давлат божлари.</p> <p>3. Ўзбекистон Республикаси фуқароларига, чет эллик фуқароларга ва фуқаролиги бўлмаган шахсларга Ўзбекистон Республикасига таклиф қилиш тўғрисидаги ҳужжатларни берганлик учун тўланадиган давлат божлари.</p> <p>4. Ўзбекистон Республикаси ҳудудида доимий яшовчи фуқароларга ва фуқаролиги бўлмаган шахсларга йўқотиб қўйилган яшаш учун рухсатнома ўрнига яшаш учун рухсатнома берганлик учун тўланадиган давлат божлари.</p> <p>5. Йўқотиб қўйилган паспортлар, шу жумладан биометрик паспортлар ҳамда уларнинг ўрнини босувчи ҳужжатлар ёки Ўзбекистон Республикасига таклиф қилиш тўғрисидаги ҳужжатлар ўрнига янгиларини берганлик учун тўланадиган давлат божлари.</p>	<p>2020 йил декабрь</p> <p>2021 йил июнь</p>	<p>Ички ишлар вазирлиги (П. Бобожонов), Ахборот технологиялари вазирлиги (О. Пекось), Давлат хизматлари агентлиги (У. Муҳаммадиев), манфаатдор вазирлик ва идоралар</p>
12.	<p>Чет-эл фуқаролари учун фуқаролик соҳасидаги айрим йиғим, божлар ва бошқа тўловларни Ягона биллинг тизимига улаш юзасидан давлат божларини тўлаш бўйича давлат хизматларига ҳисоб рақамлар очиш ва ташкилий ишлари амалга ошириш.</p>	<p>1. Чет эллик фуқароларни ва фуқаролиги бўлмаган шахсларни доимий рўйхатдан ўтказганлик ва чиқарганлик учун тўланадиган давлат божлари.</p> <p>2. Ўзбекистон Республикаси ҳудудида доимий яшовчи чет эллик фуқароларга ва фуқаролиги бўлмаган шахсларга яшаш учун рухсатнома берганлик ёки унинг</p>	<p>2020 йил декабрь</p> <p>2021 йил июнь</p>	<p>Ички ишлар вазирлиги (П. Бобожонов), Ахборот технологиялари вазирлиги (О. Пекось), Давлат хизматлари агентлиги (У. Муҳаммадиев), манфаатдор вазирлик ва</p>

		<p>амал қилиш муддатини узайтирганлик учун тўланадиган давлат божлари.</p> <p>3. Чет эл фуқароларига ва фуқаролиги бўлмаган шахсларга кириш ёки кириш-чиқиш визаларини берганлик ҳамда уларнинг амал қилиш муддатини узайтирганлик учун тўланадиган давлат божлари.</p> <p>4. Чет эл фуқароларига ва фуқаролиги бўлмаган шахсларга кўп маротабали чиқиш-кириш визаларини расмийлаш-тирганлик учун тўланадиган давлат божлари.</p> <p>5. Чет эл фуқароларини ва фуқаролиги бўлмаган шахсларни кириш визасининг амал қилиш муддатида вақтинчалик рўйхатдан ўтказганлик ҳамда визанинг амал қилиш муддати узайтирилган даврда вақтинчалик рўйхатдан ўтказишни узайтирганлик учун тўланадиган давлат божлари.</p> <p>6. МДҲга аъзо давлатлар фуқароларини, шунингдек, фуқаролик ҳақида белгилари бўлмаган собиқ СССР паспортлари билан МДҲга аъзо давлатлардан келган шахсларни вақтинчалик рўйхатдан ўтказганлик учун тўланадиган давлат божлари.</p> <p>7. Чет эл фуқаросининг, шу жумладан МДҲга аъзо давлат фуқаросининг ёки фуқаролиги бўлмаган шахснинг Ўзбекистон Республикасида доимий яшашга оид ҳужжатларини кўриб чиқиш ва расмийлаштирганлик учун тўланадиган давлат божлари.</p> <p>8. Чет эл фуқаросига ёки фуқаролиги бўлмаган шахсга паспортнинг ёки унинг ўрнини босувчи ҳужжатнинг йўқолганлиги ҳақидаги маълумотномаларни берганлик учун давлат божлари.</p>		идоралар
--	--	---	--	----------

13.	Электрон давлат хизматлари кўрсатиш жараёнида давлат божлари, йиғимлар ва бошқа тўловларни ҳамда жарималарни онлайн тарзда тўлашда ўзаро ҳисоб-китоблар тизимини такомиллаштириш.	Давлат хизматлари кўрсатиш учун тўланадиган давлат божи, йиғим ва бошқа тўловларни ҳамда жарималарни ҳисобини юритувчи Ягона биллинг тизими фойдаланувчиларининг ўзаро ишлаши ва маълумот алмашинуви тартиби лойиҳасини ишлаб чиқиш.	2021 йил июнь	Ахборот технологиялари вазирлиги ( <i>О. Пекось</i> ), Адлия вазирлиги ( <i>Р. Давлетов</i> )
14.	Соғлиқни сақлаш соҳасидаги айрим йиғим, божлар ва бошқа тўловларни Ягона биллинг тизимига улаш.	1. Тиббий буюмларни давлат рўйхатидан ўтказишга ариза юбориш ва республикада дори воситасини давлат рўйхатидан ўтказиш тўғрисида ариза бериш ва бошқа давлат хизматларига ҳисоб рақамлар очиш. 2. Ҳисоб рақамларни Ягона биллинг тизимига улаш. 3. Ягона интерактив давлат хизматлари порталидаги электрон давлат хизматини Ягона биллинг тизимига интеграция қилиш.	2021 йил июль	Соғлиқни сақлаш вазирлиги ( <i>А. Шадманов</i> ), Ахборот технологиялари вазирлиги ( <i>О. Пекось</i> ), Давлат хизматлари агентлиги ( <i>У. Муҳаммадиев</i> )
15.	Туризм соҳасидаги айрим йиғим, божлар ва бошқа тўловларни Ягона биллинг тизимига улаш.	1. Туризм фаолиятини амалга ошириш учун янги лицензия олиш давлат хизмати учун ҳисоб рақамлар очиш. 2. Ҳисоб рақамларни Ягона биллинг тизимига улаш. 3. Ягона интерактив давлат хизматлари порталидаги электрон давлат хизматини Ягона биллинг тизимига интеграция қилиш.	2020 йил ноябрь  2020 йил декабрь	Туризмни ривожлантириш давлат қўмитаси ( <i>А. Аккулов</i> ), Ахборот технологиялари вазирлиги ( <i>О. Пекось</i> ), Давлат хизматлари агентлиги ( <i>У. Муҳаммадиев</i> )
16.	Экология соҳасидаги айрим йиғим, божлар ва бошқа тўловларни Ягона биллинг тизимига улаш.	1. Ўзбекистон Республикаси Қизил китобига киритилмаган ёввойи ҳайвонларни, уларнинг қисмларини, шунингдек, яшаш фаолияти маҳсулотларини олиб кириш ва четга олиб чиқиш рухсатнома ва ёввойи ҳайвонлар сақланадиган ва урчитиладиган питомникларни, шунингдек, зоология коллекцияларини ҳисобга қўйиш тўғрисидаги	2020 йил ноябрь	Экология ва атроф муҳитни муҳофаза қилиш давлат қўмитаси ( <i>Н. Обломуродов</i> ), Ахборот технологиялари вазирлиги ( <i>О. Пекось</i> ), Давлат хизматлари агентлиги

		<p>гувоҳнома давлат хизматлари учун ҳисоб рақамлар очиш.</p> <p>2. Ҳисоб рақамларни Ягона биллинг тизимига улаш.</p> <p>3. Ягона интерактив давлат хизматлари порталидаги электрон давлат хизматини Ягона биллинг тизимига интеграция қилиш.</p>	<p>2020 йил декабрь</p>	<p><i>(У. Муҳаммадиев)</i></p>
17.	<p>Капитал бозори соҳасидаги айрим йиғим, божлар ва бошқа тўловларни босқичма-босқич Ягона биллинг тизимига улаш.</p>	<p>1. Масъул ходимларни тайинлаш ва уланадиган давлат хизматларини аниқлаш.</p> <p>2. Қимматли қоғозлар бозорида касбий фаолиятнинг ҳар бир қисми, аттестациялар (қайта аттестациялар)ни ўтказиш ва техник хизмат кўрсатиш билан боғлиқ харажатларни қоплаш ва бошқа давлат хизматларини ҳисоб рақамларни очиш.</p> <p>3. Ҳисоб рақамларни биллинг тизимига улаш.</p>	<p>2021 йил январь</p> <p>2021 йил март</p>	<p>Капитал бозорини ривожлантириш агентлиги <i>(А. Назиров),</i> Ахборот технологиялари вазирлиги <i>(О. Пекось)</i></p>
18.	<p>Маданият соҳасидаги айрим йиғим, божлар ва бошқа тўловларни босқичма-босқич Ягона биллинг тизимига улаш.</p>	<p>1. Масъул ходимларни тайинлаш ва уланадиган давлат хизматларини аниқлаш.</p> <p>2. Концерт-томоша фаолиятини амалга ошириш ҳуқуқи учун, фаолият турига қараб давлат хизматлари учун ҳисоб рақамларни очиш.</p> <p>3. Ҳисоб рақамларни биллинг тизимига улаш.</p>	<p>2021 йил январь</p> <p>2021 йил март</p>	<p>Маданият вазирлиги <i>(О. Назарбеков),</i> “Ўзбекконцерт” давлат муассасаси <i>(А. Жамалдинов),</i> Ахборот технологиялари вазирлиги <i>(О. Пекось)</i></p>
19.	<p>Қурилиш соҳасидаги айрим йиғим, божлар ва бошқа тўловларни босқичма-босқич Ягона биллинг тизимига улаш.</p>	<p>1. Масъул ходимларни тайинлаш ва уланадиган давлат хизматларини аниқлаш.</p> <p>2. Лицензия бериш бўйича давлат хизматлари учун ҳисоб рақамларини очиш.</p> <p>3. Ҳисоб рақамларни Ягона биллинг тизимига улаш.</p>	<p>2021 йил январь</p> <p>2021 йил февраль</p>	<p>Қурилиш вазирлиги <i>(Б. Закиров),</i> Ахборот технологиялари вазирлиги <i>(О. Пекось),</i> Давлат хизматлари агентлиги <i>(У. Муҳаммадиев)</i></p>



20.	Ахборот технологиялари соҳасидаги айрим йиғим, божлар ва бошқа тўловларни босқичма-босқич Ягона биллинг тизимига улаш.	1. Масъул ходимларни тайинлаш ва уланадиган давлат хизматларини аниқлаш. 2. Лицензия ва рухсатнома бериш бўйича давлат хизматлари учун ҳисоб рақамларини очиш. 3. Ҳисоб рақамларни Ягона биллинг тизимига улаш.	2021 йил февраль  2021 йил март	Ахборот технологиялари вазирлиги ( <i>О. Пекось</i> )
21.	Активларни бошқариш соҳасидаги айрим йиғим, божлар ва бошқа тўловларни босқичма-босқич Ягона биллинг тизимига улаш.	1. Масъул ходимларни тайинлаш ва уланадиган давлат хизматларини аниқлаш. 2. Баҳолаш ва риэлторлик фаолиятини амалга оширишга лицензия бериш бўйича давлат хизматлари учун ҳисоб рақамларини очиш. 3. Ҳисоб рақамларни Ягона биллинг тизимига улаш.	2021 йил январь  2021 йил февраль	Давлат активларини бошқариш агентлиги ( <i>С. Бекенов</i> ), Ахборот технологиялари вазирлиги ( <i>О. Пекось</i> )
22.	Геология соҳасидаги хизматларни босқичма-босқич Ягона биллинг тизимига улаш.	1. Масъул ходимларни тайинлаш ва уланадиган давлат хизматларини аниқлаш. 2. Геология соҳасидаги давлат хизматлари учун ҳисоб рақамларини тақдим этиш. 3. Ҳисоб рақамларни Ягона биллинг тизимига улаш.	2021 йил март  2021 йил апрель	Давлат геология ва минерал ресурслар қўмитаси ( <i>Б. Исламов</i> ), Ахборот технологиялари вазирлиги ( <i>О. Пекось</i> )
23.	Стандартлаштириш, метрология ва сертификатлаштириш соҳасидаги хизматларни босқичма-босқич Ягона биллинг тизимига улаш.	1. Масъул ходимларни тайинлаш ва уланадиган давлат хизматларини аниқлаш. 2. Стандартлаштириш, метрология ва сертификатлаштириш соҳасидаги давлат хизматлари учун ҳисоб рақамларини тақдим этиш. 3. Ҳисоб рақамларни Ягона биллинг тизимига улаш.	2021 йил март  2021 йил апрель	“Ўзстандарт” агентлиги ( <i>Д. Саттаров</i> ), Ахборот технологиялари вазирлиги ( <i>О. Пекось</i> )
24.	Фавқулодда вазиятлар вазирлиги соҳасидаги хизматларни босқичма-босқич Ягона биллинг тизимига улаш.	1. Масъул ходимларни тайинлаш ва уланадиган давлат хизматларини аниқлаш. 2. Фавқулодда вазиятлар ва хавфсизлик соҳасидаги давлат хизматларини учун ҳисоб	2021 йил март	Фавқулодда вазиятлар вазирлиги ( <i>А. Кулдашев</i> ), Ахборот технологиялари

		рақамларини тақдим этиш. 3. Ҳисоб рақамларни Ягона биллинг тизимига улаш.	2021 йил апрель	вазирлиги ( <i>О. Пекось</i> )
25.	Гидрометеорология соҳасидаги хизматларни босқичма-босқич Ягона биллинг тизимига улаш.	1. Масъул ходимларни тайинлаш ва уланадиган давлат хизматларини аниқлаш. 2. Гидрометеорология соҳасидаги давлат хизматлари учун ҳисоб рақамларини тақдим этиш. 3. Ҳисоб рақамларни Ягона биллинг тизимига улаш.	2021 йил апрель  2021 йил май	Гидрометеорология хизмати маркази ( <i>Ш. Хабибуллаев</i> ), Ахборот технологиялари вазирлиги ( <i>О. Пекось</i> )
26.	Бандлик ва меҳнат муносабатлари соҳасидаги хизматларни босқичма-босқич Ягона биллинг тизимига улаш.	1. Масъул ходимларни тайинлаш ва уланадиган давлат хизматларини аниқлаш. 2. Бандлик ва меҳнат муносабатлари соҳасидаги давлат хизматлари учун ҳисоб рақамларини тақдим этиш. 3. Ҳисоб рақамларни Ягона биллинг тизимига улаш.	2021 йил апрель  2021 йил май	Бандлик ва меҳнат муносабатлари вазирлиги ( <i>Н. Хусанов</i> ), Ахборот технологиялари вазирлиги ( <i>О. Пекось</i> )
27.	Пуллик хизмат кўрсатувчи турли давлат объектларини таҳлилини ўтказиш (истироҳат боғлари, музейлар, санъат саройлари, бозорлар ва бошқалар) ва уларнинг маблағ билан боғлиқ фаолиятига замонавий технологияларни жорий этиш юзасидан таклифлар киритиш.	1. Тегишли давлат объектларининг рўйхатини шакллантириш. 2. Фаолият йўналишидан келиб чиқиб танлов асосида алоҳида объектлардаги вазиятни ўрганиш. 3. Таклифлар ишлаб чиқиб, мазкур объектлар кесимида махсус “йўл харитаси” ишлаб чиқиш ва Вазирлар Маҳкамасига киритиш.	2020 йил ноябрь  2020 йил ноябрь  2020 йил декабрь	Ахборот технологиялари вазирлиги ( <i>О. Пекось</i> ), Маданият вазирлиги ( <i>О. Назарбеков</i> ), Туризмни ривожлантириш давлат қўмитаси ( <i>А. Аккулов</i> ), Молия вазирлиги ( <i>Т. Ишметов</i> )
28.	Давлат органлари ва идораларида Ягона интерактив давлат хизматлари портали орқали давлат божи, йиғим, жарима ва бошқа тўловларни амалга оширилишини электрон шаклга ўтказиш имкониятларини яратиш.	1. Давлат органлари ва идораларида давлат божи, йиғим, жарима ва бошқа тўловларни амалга оширилишининг амалиётини ўрганиш. 2. Давлат органлари ва идораларида Ягона интерактив давлат хизматлари портали орқали давлат божи, йиғим, жарима ва бошқа тўловларни амалга оширишни электрон шаклга ўтказиш графигини тузиш.	2021 йил май  2021 йил июль	Ахборот технологиялари вазирлиги ( <i>О. Пекось</i> ), манфаатдор вазирлик ва идоралар



## O‘ZBEKISTON RESPUBLIKASI PREZIDENTINING FARMONI

2020 yil « 5 » октябрь

№ ПФ–6079

### “Рақамли Ўзбекистон – 2030” стратегиясини тасдиқлаш ва уни самарали амалга ошириш чора-тадбирлари тўғрисида

Мамлакатимизда рақамли иқтисодиётни фаол ривожлантириш, барча тармоқлар ва соҳаларда, энг аввало, давлат бошқаруви, таълим, соғлиқни сақлаш ва қишлоқ хўжалигида замонавий ахборот-коммуникация технологияларини кенг жорий этиш бўйича комплекс чора-тадбирлар амалга оширилмоқда.

Хусусан, электрон ҳукумат тизимини такомиллаштириш, дастурий маҳсулотлар ва ахборот технологияларининг маҳаллий бозорини янада ривожлантириш, республиканинг барча ҳудудларида IT-паркларни ташкил этиш, шунингдек, соҳани малакали кадрлар билан таъминлашни кўзда тутувчи **220 дан ортиқ** устувор лойиҳаларни амалга ошириш бошланган.

Бундан ташқари, **40 дан ортиқ** ахборот тизимлари билан интеграциялашган геопортални ишга тушириш, жамоат транспорти ва коммунал инфратузилмани бошқаришнинг ахборот тизимини яратиш, ижтимоий соҳани рақамлаштириш ва кейинчалик ушбу тажрибани бошқа ҳудудларда жорий қилишни назарда тутувчи “Рақамли Тошкент” комплекс дастури амалга оширилмоқда.

Республикада рақамли индустрияни жадал ривожлантириш, миллий иқтисодиёт тармоқларининг рақобатбардошлигини ошириш, шунингдек, 2017–2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини “Илм, маърифат ва рақамли иқтисодиётни ривожлантириш йили”да амалга оширишга оид давлат дастурида белгиланган вазифалар ижросини таъминлаш мақсадида:

1. Ахборот технологиялари ва коммуникацияларини ривожлантириш вазирлиги томонидан манфаатдор вазирлик ва идоралар, бизнес ҳамжамияти ва илмий доиралар вакиллари ҳамда хорижий экспертлар иштирокида ишлаб чиқилган **“Рақамли Ўзбекистон – 2030”** стратегияси 1-иловага мувофиқ маъқуллансин.

Қуйидагилар:

**2020–2022 йилларда ҳудудларни рақамли трансформация қилиш дастурлари 2–14-иловаларга мувофиқ;**

**2020–2022 йилларда тармоқларни рақамли трансформация қилиш дастурлари 15–21-иловаларга мувофиқ тасдиқлансин.**

Бунда, 2020–2022 йилларда ҳудуд ва тармоқларни рақамли трансформация қилиш доирасида:

аҳоли пунктларини Интернет тармоғига улаш даражаси, шу жумладан кенг полосали уланиш портларини **2,5** миллионгача кўпайтириш, **20** минг километр оптик-толали алоқа линияларини қуриш ва мобил алоқа тармоқларини ривожлантириш орқали **78** фоиздан **95** фоизга етказилади;

ҳудудларни ижтимоий-иқтисодий ривожлантиришнинг турли соҳаларида **400** дан ортиқ ахборот тизимлари, электрон хизматлар ва бошқа дастурий маҳсулотлар жорий этилади;

**587** минг нафар кишини, шу жумладан **“Бир миллион дастурчи”** лойиҳаси доирасида **500** минг нафар ёшларни қамраб олиш орқали компьютер дастурлаш асосларига ўқитиш ташкиллаштирилади;

иқтисодиётнинг реал сектори тармоқларидаги корхоналарда бошқарув, ишлаб чиқариш ва логистика жараёнларини автоматлаштириш бўйича **280** дан ортиқ ахборот тизимлари ва дастурий маҳсулотлар жорий этилади;

ҳудудларда ҳокимлар, давлат органлари ва ташкилотлар ходимларининг рақамли саводхонлигини ва малакасини ошириш, уларни ахборот технологиялари ва ахборот хавфсизлиги бўйича ўқитиш учун тегишли олий таълим муассасалари бириктирилади ҳамда уларнинг **12** минг нафар ходими ахборот технологиялари соҳасида ўқитилади.

2. Ахборот технологиялари ва коммуникацияларини ривожлантириш вазирлиги, Қорақалпоғистон Республикаси Вазирлар Кенгаши ва вилоят ҳокимликларининг **29** та намунавий туманларда (шаҳарларда) 2020 йилда ва 2021 йил I чораги якунига қадар рақамли трансформация қилиш лойиҳаларини кўзда тутувчи **“йўл харита”**ларини 2а-14а, 2б-14б ҳамда 2в, 8в ва 12в-иловаларга мувофиқ амалга ошириш тўғрисидаги таклифи маъқуллансин.



**3. “Рақамли Ўзбекистон – 2030” стратегиясини амалга ошириш бўйича мувофиқлаштириш комиссияси** (кейинги ўринларда – Мувофиқлаштириш комиссияси) 22-иловага мувофиқ таркибда ташкил этилсин ва қуйидагилар унинг асосий вазифалари этиб белгилансин:

давлат органлари ва ташкилотлари, маҳаллий ижро этувчи ҳокимият органлари томонидан Стратегия, ҳудудлар ва тармоқларни рақамли трансформация қилиш дастурлари, “йўл харита”ларида кўзда тутилган лойиҳа ва чора-тадбирларнинг тўлиқ ҳажмда амалга оширилишини таъминлаш, шунингдек, уларнинг ўз вақтида бажарилишини тизимли назорат қилиш;

ҳар ойда давлат органлари ва ташкилотлари раҳбарларининг рақамли иқтисодиёт ва электрон ҳукуматни ривожлантириш бўйича режалаштирилган лойиҳалар ва чора-тадбирларни амалга ошириш юзасидан ҳисоботларини тинглаш ҳамда уларнинг жавобгарлиги масаласини кўриб чиқиш;

доимий мониторинг асосида электрон давлат хизматларини кўрсатишни янада такомиллаштириш, давлат органлари ва ташкилотлари фаолиятидаги функционал жараёнлар ва тартиб-таомилларни оптималлаштириш бўйича чоралар кўриш;

рақамли иқтисодиёт соҳасидаги янги лойиҳаларни кўриб чиқиш ва уларни амалга ошириш тўғрисида қарорларни қабул қилиш, шунингдек, зарур ҳолларда ҳудуд ва тармоқларни рақамли трансформация қилиш дастурлари ҳамда “йўл харита”ларига тайёрланган ва келишилган лойиҳа ҳужжатлари асосида ўзгартириш ва қўшимчалар киритиш.

**4. Мувофиқлаштириш комиссияси (А. Арипов) Қорақалпоғистон Республикаси Вазирлар Кенгаши раиси ва вилоятлар ҳокимлари билан биргаликда бир ҳафта муддатда 29 та намунавий туманларда (шаҳарларда) рақамли трансформация қилиш “йўл харита”ларини амалга ошириш бўйича қуйидагиларни назарда тутган ҳолда ҳудудий ишчи гуруҳларни шакллантирсин:**

Ахборот технологиялари ва коммуникацияларини ривожлантириш вазирлиги, унинг тасарруфидаги ташкилотлар ва ҳудудий бошқармаларининг масъул раҳбарларини тегишли туманларга (шаҳарларга) бириктириш;

**ҳар ўн кунликда** ишчи гуруҳлар томонидан қабул қилинган рақамли трансформация қилиш “йўл харита”ларида назарда тутилган лойиҳаларни амалга ошириш самарадорлиги ва жойларда ўтказилаётган тадбирларнинг амалий аҳамиятини баҳолаш;

ихтисослаштирилган олий ўқув юртлари ва рақамли технологияларни ўқитиш марказлари негизида давлат органлари ва ташкилотлари, маҳаллий ижро этувчи ҳокимият органларининг масъул раҳбарларини ўқитиш ва малакасини оширишни ташкил этиш.

5. Ахборот технологиялари ва коммуникацияларини ривожлантириш вазирлиги Мактабгача таълим вазирлиги, Халқ таълими вазирлиги ва Соғлиқни сақлаш вазирлиги билан биргаликда 2020 йил якунига қадар **13 та** намунавий туманларда (2а-14а-иловалар) IT-инфратузилмасини яратишни, компьютер ускуналари билан жиҳозлашни назарда тутган ҳолда мактабгача ва умумтаълим мактаблари ҳамда соғлиқни сақлаш муассасаларини рақамлаштиришни яқунлаш бўйича чоралар кўриш, шунингдек, ахборот тизимларини жорий этиш ва масъул ходимларни ўқитишни ташкил этсин.

Белгилансинки, ушбу муассасаларни рақамлаштириш Ахборот технологиялари ва коммуникацияларини ривожлантириш вазирлиги ва тасарруфидаги ташкилотларнинг ўз маблағлари ҳисобидан, етишмаётган қисмида эса – маҳаллий бюджетнинг қўшимча манбалари ҳисобидан амалга оширилади.

6. Белгилаб қўйилсинки, Ўзбекистон Республикасининг хорижий мамлакатлардаги дипломатик ваколатхоналари 23-иловага мувофиқ бириктирилган ҳудудлар ва тармоқларга илғор технологиялар ва IT-ечимларни трансфер қилишда, рақамли иқтисодиёт соҳасидаги лойиҳаларни биргаликда амалга ошириш учун етакчи компанияларни жалб қилишда ҳар томонлама амалий ёрдам кўрсатадилар.

7. Инвестициялар ва ташқи савдо вазирлиги Ахборот технологиялари ва коммуникацияларини ривожлантириш вазирлиги билан биргаликда **2020 йил 1 ноябрдан бошлаб** инвестиция лойиҳалари ҳамда жалб этилаётган халқаро молия институтлари, хорижий ҳукумат молия ташкилотлари ва донор мамлакатлар маблағлари умумий миқдорининг **5 фоиздан** кам бўлмаган қисми **“рақамли”** компонентларга йўналтирилишини кўзда тутсин.

8. Қуйидагиларни назарда тутувчи **2020–2022 йилларда “Рақамли Ўзбекистон – 2030”** стратегиясини амалга ошириш бўйича **“Йўл харита”**си 24-иловага мувофиқ тасдиқлансин:

**а) электрон ҳукуматни ривожлантириш бўйича:**

**2021 йил 1 январдан бошлаб** тажриба тариқасида “Рақамли Тошкент” комплекс дастури доирасида жисмоний шахсга идентификация ID-картасини беришда давлат органлари ва ташкилотлари билан ўзаро электрон муносабатларни йўлга қўйиш учун унинг шахсий кабинети шакллантирилади;



**2021 йил 1 июлдан бошлаб** Ўзбекистон Республикаси Очиқ маълумотлар порталида давлат органлари ва ташкилотлари томонидан давлат харидларини амалга ошириш, патентлар, дори воситалари ва тиббий буюмларни рўйхатга олиш, жамоат транспорти ҳаракати, ер ресурсларидан фойдаланиш ва бошқа умумфойдаланишдаги статистик маълумотлар онлайн режимда жойлаштириб борилиши таъминланади;

**2021 йил 1 августдан бошлаб** жисмоний ва юридик шахсларга барча белгиланган давлат божлари, йиғимлар, жарималар ва бошқа мажбурий тўловларни электрон тўлов тизимларидан фойдаланган ҳолда онлайн режимда тўлаш имконияти тақдим этилади;

**б) рақамли индустрияни ривожлантириш бўйича:**

**2020 йил 1 ноябрдан бошлаб** Дастурий маҳсулотлар ва ахборот технологиялари технологик парки резиденти мақомини ахборот технологияларига ўқитиш, аппарат-дастурий воситаларни ишлаб чиқиш ва реализация қилиш, робототехника, Интернет тармоғи орқали ахборот хизматларини экспорт қилиш, шунингдек, маълумотларни сақлаш ва ҳисоблаб қайта ишлаш соҳасида хизмат кўрсатадиган Ўзбекистон Республикаси резиденти ҳисобланган юридик шахслар олиши мумкин бўлади;

**2022 йил 1 январга қадар** масофадан кредит маҳсулотларини реализация қилиш, омонатлар ва ҳисоб рақамларни очишни ўз ичига олган кенг турдаги онлайн хизматлар кўрсатишни таъминлаш орқали тижорат банкларининг рақамли трансформацияси якунига етказилади;

**в) рақамли таълимни ривожлантириш бўйича:**

**2021 йил 1 январдан бошлаб** фуқаролар томонидан тизим бошқаруви, маълумотлар базаси ва “булутли” платформани бошқариш, ахборот хавфсизлигини таъминлаш ва бошқа талаб юқори бўлган йўналишларда халқаро IT-сертификатларни олиш харажатларининг **50 фоизгача** бўлган қисмини қоплаш тизими жорий этилади;

**2021 йил 1 сентябрга қадар** ҳар бир туман ва шаҳарда мавжуд инфратузилма объектлари негизида кенг аҳоли қатламлари, айниқса ёшлар ва аёллар учун рақамли технологиялар ўқув марказлари очилади;

**2023 йил якунига қадар** барча туман ва шаҳарларда ўқувчиларнинг ижодий ривожланиши ва компьютер дастурлаш асосларини ўрганиши учун мавжуд таълим муассасалари негизида **200 дан ортиқ** информатика ва ахборот технологияларини чуқурлаштириб ўқитишга ихтисослаштирилган мактаблар босқичма-босқич ташкил этилади;

**г) рақамли инфратузилмани ривожлантириш бўйича:**

**2022 йил якунига қадар** ҳар бир аҳоли пункти **10 Мбит/с**дан кам бўлмаган маълумотларни узатиш тезлигидаги Интернет тармоғига уланиш имконияти билан таъминланади;

**2022 йил 1 январга қадар** барча машҳур сайёҳлик жойлари юқори тезликдаги Интернет билан таъминланади.

9. Белгилаб қўйилсинки, 2023 йилдан бошлаб, Стратегия эришилган натижалар ва мақсадли кўрсаткичлар ҳамда тегишли давр учун рақамли технологияларни янада ривожлантиришнинг асосий йўналишларидан келиб чиқиб, **Вазирлар Маҳкамаси томонидан алоҳида тасдиқланадиган икки йилга мўлжалланган дастурлар** асосида амалга оширилади.

10. Ахборот технологиялари ва коммуникацияларини ривожлантириш вазирлиги ҳамда Инновацион ривожланиш вазирлигининг **2021 йил 1 январдан** бошлаб қуйидагиларни назарда тутувчи барча учун очиқ бўлган **маҳаллий дастурий маҳсулотлар ва IT-хизматлар электрон платформасини** яратиш тўғрисидаги таклифлари маъқуллансин:

маҳаллий IT-компаниялар ва дастурий маҳсулотлар ишлаб чиқарувчилар ҳамда уларнинг маҳсулотлари ва хизматларининг ягона маълумотлар базасини шакллантириш, шунингдек, уларга ўз маҳсулотларини ички ва ташқи бозорларда илгари суришда кўмаклашиш;

давлат органлари ва ташкилотларида ахборот тизимлари ва бошқа дастурий маҳсулотларни жорий этиш бўйича режалаштирилаётган лойиҳалар тўғрисида маълумотларни эълон қилиш;

мамлакатда рақамли иқтисодиётни ривожлантиришнинг амалий масалаларини ҳал қилиш ҳамда ахборот технологиялари соҳасидаги қонун ҳужжатларини такомиллаштириш жараёнида самарали ва очиқ мулоқотни йўлга қўйиш.

11. **2020 йил 1 ноябрдан** бошлаб ёпиқ биноларда алоқани ташкил этиш мақсадида мобил алоқа операторлари учун ажратилган радиочастота доирасида 500 мВт дан ошмайдиган қувватда ишлайдиган база станцияларидан фойдаланишга рухсатномани расмийлаштириш бўйича талаблар (таснифланган объектлар яқинида ўрнатиладиган мобил алоқа база станциялари бундан мустасно) **бекор қилинсин**.

12. **2020 йил 1 ноябрдан бошлаб** мобил алоқа операторлари учун:

телекоммуникация қурилмалари ва иншоотларининг қурилиш-монтаж, реконструкция, синовдан ўтказиш ва интеграция қилиш ишларини якунлаш ҳамда тижорат мақсадида фойдаланишни йўлга қўйиш, шунингдек, телекоммуникация қурилмалари ва иншоотларининг конструкциясини ўзгартириш, мавжуд қурилмалардаги ҳамда телекоммуникация линиялари ва иншоотларидаги ускуналарни кенгайтириш бўйича хабардор қилиш тартиби жорий этилсин;



радиоэлектрон қурилмалар, асбоб-ускуналар ва бошқа қурилмаларни Ўзбекистон Республикасига олиб кириш рухсатномасини, сотиб олиш, ўрнатиш, лойиҳалаш ва қуриш учун рухсатнома олмасдан, белгиланган тартибда расмийлаштириш ҳуқуқи берилсин.

13. Ахборот технологиялари ва коммуникацияларини ривожлантириш вазирлиги ҳамда Адлия вазирлигининг мазкур вазирликлар ва уларнинг тасарруфидаги ташкилот ва бўлинмалар негизида қўйидагиларни назарда тутувчи **“Рақамли идора”** лойиҳасини амалга ошириш бўйича таклифига розилик берилсин:

**а) 2022 йил 1 январга қадар:**

қоғозсиз электрон ҳужжат алмашинуви ва иш юритишни ташкил қилган ҳолда барча маъмурий тартиб-таомилларни ва операцион жараёнларни рақамлаштириш;

фаолиятнинг очиқлиги ва шаффофлиги ҳамда аҳоли пунктларида давлат хизматларидан фойдаланишнинг кафолатланганлигини таъминлаш;

идоралараро электрон ҳамкорлик жараёнларини автоматлаштириш;

б) **“Рақамли идора”** лойиҳасини амалга оширишнинг амалий тажрибасини бошқа давлат органлари ва ташкилотларида уларнинг фаолияти хусусиятларидан келиб чиққан ҳолда жорий этиш.

14. Электрон ҳукумат имкониятларини янада кенгайтириш, аҳоли ва тадбиркорлик субъектлари учун қўшимча қулайликларни яратиш ҳамда рақамли технологиялардан кенг фойдаланишни таъминлаш мақсадида:

**Электрон давлат хизматларини кўрсатишни янада такомиллаштириш бўйича чора-тадбирлар дастури 25-иловага мувофиқ;**

**Давлат божи, йиғим, жарима ва бошқа тўловларни тўлаш механизмларини такомиллаштириш бўйича амалий чора-тадбирлар режаси 26-иловага мувофиқ тасдиқлансин.**

Ахборот технологиялари ва коммуникацияларини ривожлантириш вазирлиги масъул вазирлик ва идоралар ҳамда маҳаллий ижро этувчи ҳокимият органлари билан биргаликда мазкур Фармонга 25 ва 26-иловаларда назарда тутилган тадбирларнинг сифатли ва ўз вақтида бажарилишини таъминласин.

15. 2020 йил 1 ноябрдан бошлаб барча вазирлик ва идоралар, маҳаллий ижро этувчи ҳокимият органларида амалдаги раҳбар ўринбосарларидан бирига **рақамлаштириш бўйича ўринбосар (Chief Digital Officer)** ваколатлари юклатилсин ва қўйидагилар уларнинг устувор вазибалари этиб белгилансин:

ахборот тизимлари ва ресурсларини кенг жорий этишни назарда тутувчи **идоравий рақамли трансформация дастурларини** ишлаб чиқиш ва ўз вақтида амалга ошириш;

**электрон давлат хизматларини мобил қурилмалар ва электрон ҳамкорликнинг бошқа шакллари орқали кўрсатишни янада кенгайтириш** учун зарур шарт-шароитлар яратиш;

**идоралар фаолиятининг очиқлиги ва шаффофлигини** таъминлаш, Интернет тармоғида очиқ маълумотларни ва бошқа ахборотларни жойлаштириб бориш бўйича чоралар кўриш;

идоравий рақамли инфратузилманинг ахборот хавфсизлигини, шунингдек, электрон маълумотлар ва ҳужжатларнинг ҳимоясини таъминлаш.

Рақамлаштириш бўйича ўринбосарларнинг тегишли йўналишдаги фаолиятини мувофиқлаштириш Ахборот технологиялари ва коммуникацияларини ривожлантириш вазирлигига юклатилсин.

16. Шундай тартиб ўрнатилсинки, унга мувофиқ “Рақамли Ўзбекистон – 2030” стратегиясида кўзда тутилган лойиҳаларни ўз вақтида ва кенг кўламда амалга оширилишини таъминлаганлиги, шунингдек, ахборот технологиялари ва электрон хизматларни жорий этишни рейтинг баҳолаш натижаларига кўра вазирлик ва идоралар, маҳаллий ижро этувчи ҳокимият органларининг раҳбарлари ва уларнинг рақамлаштириш бўйича ўринбосарларига ҳар ойда уларнинг ойлик маошига **30 фоиз** миқдорида устама тўланади.

Раҳбарлар ва уларнинг рақамлаштириш бўйича ўринбосарларига ойлик устама тайинлаш тўғрисида қарор Ахборот технологиялари ва коммуникацияларини ривожлантириш вазирлигининг хулосаси асосида қабул қилинади.

17. Инновацион ривожланиш вазирлиги Ахборот технологиялари ва коммуникацияларини ривожлантириш вазирлиги билан биргаликда ҳар йили **1 декабрга қадар** рақамли иқтисодиётни ривожлантириш йўналишларида **илмий-тадқиқот ва инновацион лойиҳаларнинг мақсадли дастурларини** Фан ва технологиялар бўйича республика кенгашига тасдиқлаш учун киритиб борсин ҳамда ушбу соҳада алоҳида эътиборни қўйидагиларга қаратсин:

ахборот технологиялари соҳасидаги устувор йўналишлар бўйича фундаментал ва амалий тадқиқотларни олиб бориш;

иқтисодиёт тармоқларида виртуал ва тўлдирилган реаллик, сунъий интеллект, криптография, машина ўрганиши, катта маълумотларни таҳлил қилиш ва “булутли” ҳисоблаш технологияларидан фойдаланиш имкониятларини ўрганиш ва уларни амалиётга татбиқ этиш;



истиқболли инновацион ишланмалар ва стартап-лойиҳаларини амалга ошириш ҳамда уларни тижоратлаштириш ва технологиялар трансферини қўллаб-қувватлаш.

Белгилаб қўйилсинки, мақсадли дастурларни молиялаштириш харажатлари илмий фаолиятга оид давлат дастурларини амалга ошириш учун ажратилган маблағлар доирасида, шунингдек, Инновацион ривожланиш ва новаторлик ғояларини қўллаб-қувватлаш жамғармаси ҳамда Ахборот-коммуникация технологияларини ривожлантириш жамғармаси маблағлари ҳисобидан қопланади.

18. Мазкур Фармонда белгиланган чора-тадбирларнинг сифатли ва ўз вақтида бажарилишини мувофиқлаштириш ва мониторинг қилишнинг қуйидаги тартиби ўрнатилсин:

**а) вазирлик ва идоралар, маҳаллий ижро этувчи ҳокимият органларининг рақамлаштириш бўйича раҳбар ўринбосарлари – ҳар ойда** ҳисобот ойдан кейинги ойнинг 5-санасига қадар Ахборот технологиялари ва коммуникацияларини ривожлантириш вазирлигига ушбу Фармон билан тасдиқланган Стратегия, дастурлар ва “йўл харита”лари ҳамда идоравий рақамли трансформация дастурларида назарда тутилган чора-тадбирларни амалга ошириш тўғрисида ҳисобот тақдим этадилар;

**б) ахборот технологиялари ва коммуникацияларини ривожлантириш вазири Ш. Садиқов:**

масъул вазирлик ва идоралар фаолиятини идоралараро мувофиқлаштиради, уларнинг фаолиятида рақамли технологияларни жорий этиш ҳолатини баҳолайди ҳамда мунтазам равишда рақамлаштириш бўйича раҳбар ўринбосарларининг ҳисоботларини эшитишни ташкил этади;

**ҳар ойда** ҳисобот ойдан кейинги ойнинг 15-санасига қадар ушбу Фармон билан тасдиқланган Стратегия, дастурлар ва “йўл харита”лари ҳамда идоравий рақамли трансформация дастурлари ижроси тўғрисида умумлашган таҳлилий маълумотларни Вазирлар Маҳкамасига киритади;

**в) Ўзбекистон Республикаси Бош вазирининг маслаҳатчиси – IT-технологиялар, телекоммуникациялар ва инновацион фаолиятни ривожлантириш масалалари департаменти бошлиғи О. Умаров:**

Стратегиянинг мақсадли кўрсаткичларига эришиш устидан тизимли назоратни ташкил этади, шунингдек, **Мувофиқлаштирувчи комиссия йиғилишларида** масъул вазирлик ва идоралар раҳбарларининг рақамлаштириш соҳасидаги фаолиятини танқидий кўриб чиқиш бўйича таклифлар киритади;

**ҳар чорақда** Ўзбекистон Республикаси Бош вазирига рақамлаштириш бўйича раҳбар ўринбосарларининг фаолияти натижадорлигидан келиб чиқиб, уларни рағбатлантириш ёки интизомий, шу жумладан эгаллаб турган лавозимидан озод қилишгача бўлган чораларни кўриш бўйича таклифларни киритади.

19. Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги, Ўзбекистон Миллий ахборот агентлиги ва Ўзбекистон Миллий телерадиокомпанияси ушбу Фармоннинг мақсад ва вазифаларини оммавий ахборот воситаларида кенг ёритиш бўйича ишларни ташкил этсин.

20. Ахборот технологиялари ва коммуникацияларини ривожлантириш вазирлиги манфаатдор вазирлик ва идоралар билан биргаликда **икки ой муддатда** қонун ҳужжатларига ушбу Фармондан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

21. Мазкур Фармоннинг ижросини назорат қилиш Ўзбекистон Республикасининг Бош вазири А.Н. Арипов ва Ўзбекистон Республикаси Президентининг маслаҳатчиси Р.А. Гулямов зиммасига юклансин.

**Ўзбекистон Республикаси  
Президенти**



**Ш. Мирзиёев**

Тошкент шаҳри